



**O Taiala mo le Sailiga ma le Valaauina o
Faifeau i totonu o le
United Church of Christ**

Tuufaatasia e le itu tino o le Ministerial Excellence, Support & Authorization (MESA) faatasi ai ma le afaigaluega o aoina ma tuuina atu faamatalaga (judicatory staff) 12/1/2014

www.ucc.org/ministers

Upu Tomua (Introduction)

O lenei taiala ua tuufaatasia ma le faamoemoe ia laugatasia tagata uma i le gagana e faaogaina mo tofiga faafaifeau a le United Church of Christ (UCC). O lenei ituaiga taiala ua leva ona talosagaina e le afaigaluega o loo gafa ma le aoina ma le tuuina atu o faamatalaga (judicatory staff) ina ia siitia ai le nofo femalamalama'i ma le laugatasia o le silafia o tagata uma i tofiga i totonu o aulotu taitasi. O faaigaga oi lenei taiala e faasino tonu ile galuega faafaifeau i totonu o aulotu, e le aafia ai le afaigaluega o le koneferenisi, poo isi galuega faapitoa, poo isi foi tulaga o le Ekalesia atoa.

Ua vaevaeina upu e fua i luga o vaega e fa o le faatulagaga o faifeau i totonu o aulotu: **Faifeau Tumau, Faifeau ole Va-i-sailiga, Faifeau Faavaitaimi**, ma le **Faifeau Faatumu**. E tofua ma le lisi o le faaigaga o tofiga taitasi, o faaitaiga o ituaiga galuega faafaifeau i lenei vaega, ma le lisi mo sailiga ma le valaauina o faifeau.

O nei vaega sa tuufaatasia e ala i fesootaiga ma faatalalanoaga faatasi ai ma sailiiliga ma le tomai sa aoina mai Koneferenisi uma. E sili atu ma le lua vae tolu i latou mai i koneferenisi a le UCC sa tali mai i talosaga pe na auai foi i komiti faapitoa, o suesuega, aemaise o faatalalanoaga. I le faaso'a atu o le tamaoaiga na maua i lenei sailiga, aemaise ose sailiga e patino tonu i le Faavae ma Tulafono a le UCC, e fia momoli atu le faafetai a le MESA mo le tatou galulue soosoo tau'au ma e faamoemoe e telē le sao o lenei tusiga i le tatou galuega faaola faifaatasi.

O Manatu Taatele (General Assumptions)

- O le saili ma le valaauina mo soo se tofiga faafaifeau e tataua ona faaogaina le Talaaga ole Soifua Faafaifeau (UCC Ministerial Profile), o loo tusia ai lona agavaa ua faafaigaluegaina ai e le UCC.
- Soo se avanoa faafaifeau o loo lisiina ise faasologa i totonu o Avanoa Faigaluega mo le UCC (UCC Ministry Opportunities).

Faifeau Tumau (Settled Pastor)

O se tofiga e fuafua e galue mo se taimi umi e ala i le suiga o lana matāfale (church membership) i le aulotu o le a ia tautuaina ma sui ai foi ma lona tulaga e fua i le mea o le a galue ai.

- ❖ *Faifeau Sinia (Senior Pastor)*: o se tofiga faafaifeau tumau na te vaia le sili atu i le tasi ni faifeau aloaia (authorized minister)
- ❖ *Faifeau Fesoasoani (Associate Pastor)*: o se tofiga faafaifeau tumau ae ei lalo o le pulega a le faifeau sinia; e masani lava o faifeau fesoasoani poo faifeau lagolago e iai lava o latou faalupega ma o latou faiva faatino (portfolios) e pei o le faifeau asiasi, faifeau pule, faifeau mo tupulaga talavou poo se isi lava faiva faapitoa.
- ❖ *Faifeau Galue Toatasi (Solo Pastor)*: e faatatau i se tofiga faafaifeau tumau ua na o ia lava se faifeau aloaia e filo i le afaigaluega a le aulotu.
- ❖ *Faifeau Soosoo Tau'au (Co-Pastor)*: ua sili atu i le tasi le faifeau tumau o loo latou galulue faatasi i le aulotu e tasi.
- ❖ *Faifeau mo sina Taimi (Part-Time Pastor)*: o se faifeau tumau e le sili a'e i le fasefulu itula e galue ai i le vaiaso.
- ❖ *Faifeau Faasolo (Yoked or Shared Pastor)*: o se faifeau tumau na te vaia le sili atu i le tasi le aulotu e fua i luga ose maliliega.

Sailiga ma le Valaauina o se Faifeau Tumau

Matafaioi o le Koneferenisi (Role of the Conference/Association): E galulue faatasi le koneferenisi ma faauluuluga o le aulotu ina ia malamalama le fesuiaiga, faailoa ni auala ole fesuiaiga, ma ia faavae se komiti o sailiga pe afai ua sauni le Ekalesia. E tatau ona tuuina atu e le koneferenisi talaaga o faifeau i le komiti o sailiiga o sailia le faifeau tumau. E tatau ona faailoa atili e le koneferenisi ni faiga ma aiaiga e puipuia ai le sui faafuasei o se faifeau ae lei maea lona taimi (o taiala mo se tau, faamatalaga o galuega faatino, aiaiga e foia ai faafitauli, komiti o le va feagai o faifeau ma isi tagata, o tuaoi o le galuega mo le faifeau o le a alu ese).

Faaaogaina o Talaaga o Faifeau (Use of the Ministerial Profile): E faaoga e le komiti o sailia faifeau tumau nei talaaga e faatusatusa ma matauina ai tagata agavaa ina ia mataitūina, faatalalanoaina ma vaai pe ono valaauina. O talaaga foi nei e fesoasoani i le matafaioi a le Ekalesia mo le mataitūina o talafaasolopito o faifeau.

O Avanoa Faafaifeau a le UCC (UCC Ministry Opportunities): O le a faailoa i le uepesite (website) avanoa mo le tofiga faafaifeau tumau ina ia maua le silafia e tagata uma, faatoatele ai tagata talosaga mai, ma ia “tatala ai i fafo” le sailiga. O le a iloa lē na talosaga i le faasolo o lona talaaga e fua ise talosaga mai ose faifeau, e ala i le saili i luga o le Snapshot Database, ma isi ala o fesootaiga.

Taiala ole Soifua Faafaifeau (Ethics for the Minister): Afai o le alu ese le faifeau, e le toe mafai ona toe foi e tautua le aulotu poo ona tagata lotu. Ia le i lalo ane o le tasi le tausaga ma faasolo atu i le tolu tausaga, e le mafai e le faifeau ona toe fesootai atu i ia tagata lotu ma ia fautuina foi ia tagata lotu ia faapea ona fai. O lea tuaoi ua tosi e mafai ai e le faifeau ua alu ese ona usitaia taiala faafaifeau (ministerial code of ethics) ina ia fesoasoani ai i le mafutaga tau amata a le aulotu ma le latou faifeau fou. Faatoa mafai lava se fesootaiga ina ua logo muamua le faifeau fou, e auala atu i se faatalanoaga ma se sui o le Ekalesia atoa.

Faifeau ole Va-i-sailiga (Intentional Interim Pastor)

O se tofiga e valaauina mo sina taimi ao tapena le aulotu e faatali le sailiga mo se latou faifeau tumau, o lea faifeau e le sua lana matāfale poo lona tulaga e fua i le mea o le a alu iai.

- ❖ *Faifeau ole Va-i-sailiga poo le Faifeau ole Fesuiaiga (Interim Minister or Transitioning Pastor)*: o le faifeau ole va-i-sailiga na te faatinoina matafaioi faafaifeau ma faafoeina galuega faatatauina i le vaitaimi lea o le fesuiaiga e tapena ai le aulotu mo se faifeau tumau.
- ❖ *Tagata Tomai Faapitoa i Fesuiaiga (Professional Interim or Transitioning Ministry Specialist)*: o se faifeau ole va-i-sailiga ua leva ona galue i ia ituaiga galuega, ma e iai sona silafia faapitoa e pei o le taitaiga o le afaigaluega (head-of-staff), faifeau e sui ise faifeau ua tauleagaina (after-pastor), poo le faafoeina o faafitauli.

- ❖ *Tagata Faafaigaluega mo le Fesuiaga (Transitional Consultant):* o se tagata ua faafaigaluegaina e le aulotu na te faafoeina le fesuiaga ao taitaiina pea le aulotu e se isi faifeau; na te ono aumaia ni tomai faapitoa e pei o le faafoeina ole sologa lelei ose fesuiaga, faasologa lelei o faifeau, poo nisi tomai.

Sailiga ma le Valaauina o Faifeau ole Va-i-sailiga

Matafaioi o le Koneferenisi (Role of the Conference/Association): E galulue faatasi le koneferenisi ma le komiti o sailia faifeau ole va-i-sailiga, pe afai e iai se komiti, ina ia tuuina atu talaaga. O le koneferenisi foi na te tuuina atu se tusi taiala i le vaega autu o le aulotu o faia le sailiga e taiala ai le taimi o le fesuiaga.

Faaaogaina o Talaaga o Faifeau (Use of the Ministerial Profile): E faaoga e faauluuluga o le aulotu poo le komiti o sailia se faifeau ole va-i-sailiga ia talaaga o faifeau e iloa ai poo ai se faifeau e fetau tonu ma le latou manao. O na foi talaaga e tatau ona fetau tonu ma le manao o le Ekalesia atoa aemaise mo le mataituina o talafaasolopito o i latou o faafaigalueina.

O Avanoa Faafaifeau i le UCC (UCC Ministry Opportunities): O le a faailoa i le uepesite ina ia faalauaitele ai le silafia e tagata uma i le avanoa, faatoatele ai tagata talosaga mai, ma ia “tatala ai i fafo” le sailiga. O le a iloa lē na talosaga i le faailoa o lona talaaga e fua ise talosaga mai ose faifeau, e ala i le saili i luga o le Snapshot Database, ma isi ala o fesootaiga.

Taiala ole Soifua Faafaifeau (Ethics for the Minister): E le mafai e le faifeau ole va-i-sailiga ona talosaga mo le tofiga o le faifeau tumau. E tatau ona faauma lelei lona taimi ma e le tatau lava ona galo tuutuuga o le malilie na valaauina ai o ia ose faifeau e lē tumau. Afai o le a alu ese lea faifeau, e le mafai ona toe foi e tautua le aulotu poo ona tagata lotu ise isi lava tofiga.

Faifeau Faavaitaimi (Designated-Term Pastor)

o se tofiga e valaauina ai se faifeau mo se vaitaimi faatulagaina ona ose faamoemoe, o lona faifeau e ono suia lana matāfale i le aulotu o le a galue ai ma sui ai foi ma lona tulaga e fua i le mea o le a galue ai.

- ❖ *Faifeau Faaolaola Aulotu (Revitalization or Turnaround Pastor):* o se faifeau faavaitaimi ua valaauina mo se vaitaimi faatulagaina mo se faamoemoe: pei o le toe faaolaolaina o le aulotu; a maea le uluai vaitau faatulagaina ua agavaa loa lona faifeau e talosaga mo le tofiga o le faifeau tumau.
- ❖ *Faifeau e Tapunia Aulotu (Hospice or Legacy Pastor):* o se faifeau faavaitaimi ua valaauina mo se vaitaimi faatulagaina mo se faamoemoe faapitoa: e pei ole fesoasoani i galuega mo le tapuniga ose aulotu.
- ❖ *Faifeau Atina’e Aulotu (Redevelopment or Repositioning Pastor):* o se faifeau faavaitaimi ua valaauina mo se vaitaimi faatulagaina mo se faamoemoe faapitoa: pei o le atinaeina ose galuega fou mai i totonu lava o se aulotu; a maea le uluai vaitaimi faatulagaina ua agavaa loa lona faifeau e talosaga mo le tofiga o le faifeau tumau.
- ❖ *Faifeau Faatu Lotu (New Church Start Pastor):* o se faifeau faavaitaimi ua valaauina mo se vaitaimi faatulagaina mo se faamoemoe faapitoa: pei o le faamaopopoina o se aulotu fou; a uma le uluai vaitaimi faatulagaina ua agavaa loa lona faifeau e talosaga mo le tofiga o le faifeau tumau.

Sailiga ma le Valaauina o Faifeau Faavaitaimi

Matafaioi a le Koneferenisi (Role of the Conference/Association): Ae lei tauaaina talaaga o faifeau, e tatau ona galulue faatasi le aulotu ma le koneferenisi ina ia faamanino le faamoemoe o le isi laasaga (e pei o le Auaunaga e iloilo ai se Galuega Amata – New Beginnings assessment service) ina ia faamaumauina se faavae o le tofiga o le faifeau faavaitaimi. E tuuina atu e le koneferenisi ni talaaga filifilia i le faauluuluga o le aulotu poo le komiti e sailia faifeau faavaitaimi pe afai e iai. O le tofi foi o le koneferenisi o le iloilo ai o le gasologa o le sailiga i taimi faatulagaina. E saoloto le koneferenisi e sui se isi faiga fou o le sailiga ma le valaauina poo se isi ituaiga faifeau fou e valaauina; e ono manaomia foi e le koneferenisi ni ripoti poo le lagolagosua a le aulotu male/poo le faifeau o sauniuni e talia le valaau.

Faaaogaina o Talaaga o Faifeau (Use of the Ministerial Profile): E faaoga e faauluuluga o le aulotu poo le komiti o sailiga nei talaaga o faifeau e iloa ai poo ai se faifeau e fetau tonu ma le

latou manao i le taimi ua atofaina. O na foi talaaga e tatau ona fetau tonu ma le manao o le Ekalesia ato mo le mataitūina o talafaasolopito o i latou o faafaigalueina.

Avanoa Faafaifeau i le UCC (UCC Ministry Opportunities): O le a faailoa i le uepesite avanoa ina ia faalauaitele ai le silafia e tagata uma, faatoatele ai tagata talosaga mai, ma ia “tatala ai i fafo” le sailiga. O le a iloa lē na talosaga i le faailoa o lona talaaga e fua ise talosaga mai ose faifeau, e ala i le saili i luga o le Snapshot Database, ma isi ala o fesootaiga.

Taiala ole Soifua Faafaifeau (Ethics for the Minister): E ono mafai pe le ono mafai foi e le faifeau faavaitaimi ona agavaa mo le faafouina o lona valaauina, e tusa ai ma uluai aiaiga sa iai o le valaauina ma le taimi faatulagaina. E le tatau i le faifeau faavaitau ona galo ia te ia tuutuuga o le malilie sa uluai faia ua na o ia ose faifeau e lē tumau. A maea lona taimi, e le mafai e lea faifeau ona toe foi e tautua le aulotu poo tagata o le aulotu ise isi lava ituaiga tofiga faafaifeau.

Faifeau Faatumu (Supply Pastor)

o se tofiga mo se faifeau e le tumau, e le suia lana matāfale i le aulotu o le a galue ai, pe sui foi lona tulaga e fua i luga o le mea o le a galue ai.

- ❖ *Faatumu lē Tumau (Short-Term Supply):* o se faifeau lē tumau e valaauina mo se taimi ua manaomia vave ai se fesoasoani; i faafitauli pei o maliu, gasegase matuiā, pe a ave le malologa a le faifeau i lona ‘āiga, pe a faamavae le faifeau, ma isi lava tulaga.
- ❖ *Faifeau Faatumu Avanoa (Bridge Pastor):* o se faifeau lē tumau e valaauina e faatumuina le avanoa lea ao filifili le aulotu pe faapefea ona faatumu le avanoa mo se faifeau, poo le faatumu foi o le taimi ae lei amataina le galuega a le faifeau faavaitau poo le faifeau tumau.
- ❖ *Faifeau Faatumu Tiute (Sustaining Pastor):* o se faifeau le tumau na te faatumuina tiute faafaifeau ao alo le aulotu i le sailiga ose latou faifeau, o lea faifeau e le agavaa e avea ma faifeau tumau, sa ta’ua muamua o ia o le ‘Faifeau mo Tiute’ peitai e le faamamafaina le galue mo tiute faavaitaimi.

- ❖ *Sui Faifeau (Acting):* o se tagata faigaluega o le aulotu e mafai ona sii ise tofiga faasinia ae le tumau ai; poo se faifeau le tumau na te faatumuina matafaioi faafaifeau ao alo le aulotu i le sailiga ma e agavaa foi o ia e fai ma faifeau tumau. *Silasila: Faifeau Faatumu poo le Faifeau Faavaitaimi.*
- ❖ *Faatumu mo se Taimi Umi (Long-Term Supply):* ose faifeau lē tumau na te faatumuina tiute faafaifeau mo se taimi umi, ae le mafai ona ta’ua ose faifeau a le aulotu.
- ❖ *Faatumu mo Faamalologa (Sabbatical Supply):* ose faifeau lē tumau na te faatumuina tiute faafaifeau ao faia le faamalologa a le faifeau tumau.
- ❖ *Faatumu mo Lauga (Pulpit Supply):* ose faifeau lē tumau na te taitaina sauniga ma lauga i lea vaiaso ma lea vaiaso.
- ❖ *Faifeau Aoga (Student Pastor):* ose faifeau na te faatumuina tiute faafaifeau ise taimi lē tumau e tapena ai mo le galuega faafaifeau, ma ua malilie foi le aulotu e fesoasoani ma tapena o ia mo le galuega faafaifeau.

Sailiga ma le Valaauina o Faifeau Faatumu

Matafaioi o le Koneferenisi (Role of the Conference/Association): E galulue faatasi le koneferenisi ma faauluuluga o le aulotu ina ia tuuina atu ia le i lalo ane o le tasi se talaaga ose faifeau e ono gafatia le galuega ma e ono talia foi le galuega.

Faaaogaina o Talaaga o Faifeau (Use of the Ministerial Profile): E faaaogaina e faauluuluga o le aulotu talaaga o faifeau ina ia fetau ma matafaioi ole Ekalesia ato mo le matauina o talafaasolopito o i latou o faafaigaluegaina.

Avanoa Faafaifeau i le UCC (UCC Ministry Opportunities): O le a faailoa i le uepesite avanoa mo lea tofiga ina ia faalauaitele ai le silafia e tagata uma, faatoatele ai tagata talosaga mai, ma ia “tatala ai i fafo” le sailiga. O i latou uma e talosaga mo le faifeau faatumu e faailoa e fua ise talosaga mai ose faifeau, e ala i le saili i luga o le Snapshot Database, ma isi ala o fesootaiga.

Taiala ole Soifua Faafaifeau (Ethics for the Minister): Afai e maea le galuega faatumu, faatoa mafai ona toe talii lea faifeau i le aulotu e fua ise malilie ma se sui o le koneferenisi poo se faifeau o loo galue ai i lea taimi.